



清真年譜

遼海叢書

張延厚



清真居士年譜

遼陽陳思慈首撰

仁宗嘉祐三年戊戌

居士生

周邦彥字美成錢塘人疏雋少檢不爲州里推重而博涉百家之

書

宋史文苑傳

按疏雋少檢三句東都事略作性落魄不羈涉獵書史

邪從子能文章妙解音律名其堂曰顧曲製樂府長短句詞韻清蔚盛行於世又工書真行皆善晚居明州自號清真居士

杭州府志據宋

史文苑傳咸淳臨安志書史會要

咸淳臨安志古今人表周邪錢塘周邦彥邪之姪因守四明其後家焉周邦式錢塘

周邪字開祖嘉祐進士仕至朝請大夫輕車都尉蘇軾倅杭多與酬唱邦式字南伯元豐進士嘗爲尙書度支郎中出提點淮

西刑獄徙兩浙又徙江東京師營土木命輸殿材奏言非地所  
產重修杭州府志俱有傳

嘉祐四年己亥

二歲

嘉祐五年庚子

三歲

嘉祐六年辛丑

四歲

嘉祐七年壬寅

五歲

嘉祐八年癸卯

六歲

英宗治平元年甲辰

七歲

治平二年乙巳

八歲

治平三年丙午

九歲

治平四年丁未

十歲

神宗熙寧元年戊申

十一歲

熙寧二年己酉

十二歲

熙寧三年庚戌

十三歲

熙寧四年辛亥

十四歲

熙寧五年壬子

十五歲

熙寧六年癸丑

十六歲

熙寧七年甲寅

十七歲

熙寧八年乙卯

十八歲

熙寧九年丙辰

十九歲

遊荊州

據清真集

鎖窗寒寒食故人翦燭西窗語似楚江暝宿風燈零亂少年羈旅  
按此數句語意居士西遊荊州當正值寒食故居京師逢  
寒食追憶及之

熙寧十年丁巳

二十歲

遊長安秋暮還荊州

據清真集

虞美人宜城酒泛浮春絮細作更闌語 太平寰宇記襄州襄陽郡宜城縣宜城故城漢縣在今縣南其地出美酒

玉樓春大隄花豔驚郎目秀色穠華看不足又臨分何以祝深情只有別愁三萬斛 宋襄陽樂歌曰朝發襄陽城暮至大隄宿大隄諸女兒花豔驚郎目

按宜城襄陽爲自荊州至長安川途所經此二闕皆紀程之作

西河長安道瀟洒西風時起 鄭文焯校云此詞諸本並無題準以前作當是長安懷古

按齊天樂渭水西風長安亂葉空憶詩情宛轉即謂此詞風流子楓林凋晚葉關河迴楚客慘將歸

此詞爲去長安惜別之作來自荊州故曰楚客其時秋已深矣

元豐元年戊午

二十一歲

夏自荊州東歸

據清真集

少年遊荊州作舊賞園林喜無風雨  
荊江留滯又兩度經春

園林故曰舊賞

齊天樂端午風物依然荊楚又臥聽江頭畫船喧疊鼓  
太平

寰宇記荊州五月五日競渡戲船楚風最尙廢業耗民莫甚  
於此  
按此詞當爲本年之作抑或在前年如爲去年端午  
以虞美人玉樓春證之則是時已在長安道上矣

南浦淺帶一帆風向晚來扁舟穩下南浦迢遞阻瀟湘衡皋  
迴又菡萏裏風偷送清香時微微度又吾家舊有簪纓甚頓  
作天涯經歲羈旅又恨無鳳翼身只待而今飛將歸去

據菡萏裏風句知歸杭在六月中舊有簪纓謂季父邠也居  
士遊荊州先後三年所以齊天樂云荊江留滯最久

元豐二年己未

二十二歲

遊京師

宋史

西平樂元豐初予以布衣西上過天長道中後四十餘年辛丑正月二十六日避賊復遊故地感嘆歲月偶成此詞

按宣和三年辛丑上距元豐己未正四十三年故曰四十餘年

續資治通鑑元豐二年八月丙申朔甲寅詔增太學生舍爲八十齋齋三十人外舍生二千人內舍生三百人上舍生百人月一私試歲一公試補內舍生間歲一舍試補上舍生考異長編作丁巳日今從宋史作甲寅

按八月丙申詔增太學生額居士自杭赴京將入太學也道出金陵時已秋晚故賦齊天樂起云綠蕪凋盡臺城路殊鄉又逢秋晚時將入太學故又云尙有練囊露螢清夜照書卷

上年自荊州歸杭故又云荊江留滯最久故人相望處離思  
何限渭水西風長安亂葉空憶詩情宛轉西河金陵懷古一  
闕當亦此時所作

元豐三年庚申

二十三歲

元豐四年辛酉

二十四歲

元豐五年壬戌

二十五歲

元豐六年癸亥

二十六歲

元豐七年甲子

二十七歲

獻汴都賦萬餘言神宗異之命侍臣讀於邇英閣召赴政事堂自  
太學諸生一命爲正

直齋書錄解題元豐七年進汴都賦自諸生命爲太學正汴都  
賦已載文鑑世傳賦初奏御詔李清臣讀之多古文奇字清臣  
誦之如素所習熟者乃以偏傍取之爾樓鑰音釋附之卷末

續資治通鑑元豐七年三月壬戌詔以太學外舍生錢塘周邦彥爲試太學正邦彥獻汴都賦文采可取故擢之

文獻通考元豐二年頒學令太學置八十齋齋各五楹容三十人外舍生二千人內舍生三百人上舍生百人月一私試歲一公試補內舍生間歲一舍試補上舍生彌封謄錄如貢舉法而上舍試則學官不預考校公試外舍生入第一第二等參以所書行藝與籍者升內舍內舍試入優平二等參以行藝升上舍上舍分三等俱優爲上一優一平爲中俱平若一優一否爲下上等命以官中等免禮部試下等免解學正增爲五人學錄增爲十人學錄參以學生爲之歲賜緡錢至二萬五千又益郡縣田租屋課息錢之類以爲學費

按本年居士年二十七故樓攻媿清真集敘云未及三十作

汴都賦

元豐八年乙丑

二十八歲

哲宗元祐元年丙寅

二十九歲

元祐二年丁卯

三十歲

元祐三年戊辰

三十一歲

元祐四年己巳

三十二歲

居五歲不遷益進力於辭章出教授廬州

宋史

續修廬州府志職官表廬州府學宋教授周邦彥錢塘人有傳

傳錄宋史

按自元豐二年遊京師至本年已十年矣故鎖陽臺懷錢塘  
云淒涼懷故國朝鐘暮鼓十載紅塵玉樓春又云滿頭聊作  
片時狂頓減十年塵土貌此二詞皆本年春作教授廬州之  
命當在夏間未赴任前先歸杭州故驀山溪有十載卻歸來  
倦追尋酒旗戲鼓之句起云樓前疏柳柳外無窮路柳曰疏

柳則到杭時秋意已深

元祐五年庚午

三十三歲

宴清都地僻無鐘鼓殘燈滅夜長人倦又云淮山夜月金城暮  
草又云更久長不見文君歸時認否 太平寰宇記廬州合肥  
縣界樓故城一名金牛城在縣西北乾隆府廳州縣考廬州  
府宋曰廬州屬淮南西路小峴山在縣東大峴在小峴東六  
朝時趨建康此爲要道故城在今縣北名金斗城按地屬淮  
南西路故山曰淮山金城即金斗之省也離京已久故云久  
長不見文君此詞當作於本年或次年冬若倒犯詠月則追  
憶廬州舊時月色

元祐六年辛未

三十四歲

元祐七年壬申

三十五歲

元祐八年癸酉

三十六歲

知溧水縣 宋史

强煥清真詞敘溧水爲負山之邑官賦浩穰民訟紛沓似不可以弦歌爲政而待制周公元祐癸酉春中爲邑長於斯其政敬簡民到於今稱之又曰余慕周公之才名有年於茲不謂於八十餘載之後踵公舊蹤既喜而且媿故自到任以來訪其政事於所治後圃得其遺政有亭曰姑射有堂曰蕭閒皆取神仙中事揭而名之可以想像其襟抱之不凡而又覩新綠之地隔浦之蓮依然在目

江寧府志有傳敘任溧水事績甚詳俟抄補

紹聖元年甲戌

三十七歲

治縣署後圃亭曰姑射堂曰蕭閒山曰無想鄉曰長壽新綠之地

隔浦之蓮

據强煥清真詞敘

揮麈錄美成爲溧水令主簿之姬有色而慧每出侑酒美成爲

風流子以寄意云新綠小池塘風簾動碎影舞斜陽羨金屋去  
來舊時巢燕土花繚繞前度莓牆繡閣鳳幃深幾許聽得理絲  
簧欲說又休慮乖芳性未歌先咽愁近清觴遙知新妝了開朱  
戶應自待月西廂最苦夢魂今宵不到伊行問甚時說與佳音  
密耗寄將秦鏡偷換韓香天便教人霎時厮見何妨新綠待月  
皆主簿廳軒名

按新綠之地爲縣後圃見於強敍設果爲主簿軒名或即其  
舊址當日作詞寄意如此溧水人士必傳爲談助強氏作敍  
與浦蓮並舉雖不爲舊令尹諱獨不畏溧人笑乎

隔浦蓮近拍中山縣圃姑射亭避暑作 太平寰宇記昇州溧

水縣中山又名獨山在縣東南十里不與羣山連接古老相  
傳中山有白兔世稱爲筆最精山前有水源號爲獨水按輿  
地志宣州溧水縣有獨山下有獨水流演不息即此山也

滿庭芳夏日溧水無想山作 按人靜鳥鷺自樂小橋外新綠  
濺濺句新綠之名當即緣此 江寧府志無想山在溧水縣  
南十五里其山巔有泉下注成瀑布

鶴沖天溧水長壽鄉作 又一首

按此四詞皆後圃成後所作

紹聖二年乙亥

三十八歲

玉燭新早梅 溪源即出廬山三派入秦淮之水

紅林擒近詠雪

紅林擒近雪晴 太平寰宇記溧水縣廬山在縣東二十里有

水源三派并入秦淮合大江 鹽船山一名感泉山在縣南

十二里山有青絲洞泉脈泓澄四時不絕 丹陽湖在縣西

南 石臼湖在縣西南三十里西連丹陽湖岸廣一百六十

餘里軍山塔子馬頭雀壘四山並在湖中

江寧府志秦淮水有二源其西源出溧水東廬山西北流過溧水城東北烏刹橋與明臙脂河合臙脂河首引高淳石白湖水西入溧水界又東至洪藍埠入山又東北流過天生橋出山受溧水城西南山溪又北流過沙河橋東出通城壕西北入秦淮水 澳洞山在溧水西南二十五里

按丹陽石臼二湖皆在縣秦淮西源及臙脂河水環經縣城故詠雪云蕭索水雲鄉雪晴云水鄉增暮寒對南山橫素南山即鹽船山

紹聖三年丙子

三十九歲

還爲國子主簿哲宗召對使誦前賦除祕書省正字

宋史

東都事略紹聖中除祕書省正字

按瑞龍吟云章臺路還見褪粉梅梢試花桃樹又云前度劉郎重到訪鄰尋里同時歌舞惟有舊家秋娘聲價如故

按本年還京上距元祐己巳出任廬州教授已歷八年所  
訪隣尋里惟有秋娘如故

紹聖四年丁丑

四十歲

元符元年戊寅

四十一歲

元符二年己卯

四十二歲

元符三年庚辰

四十三歲

徽宗建中靖國元年辛巳

四十四歲

歷校書郎考功員外郎衛尉宗正少卿

宋史

東都事略徽宗即位爲校書郎遷考功員外郎宗正少卿

按攻媿集清真先生文集序云哲宗始寘之文館徽宗又列  
之郎曹據此序文則爲校書郎當在元符末建中靖國元年  
遷考功員外郎爲衛尉少卿則又當在崇寧三四年間崇寧  
未爲宗正少卿